

TE QUOQUE

AD CENACULUM FAMILIAE SANCTI HIERONYMI

APUD MONASTERIUM VISITATIONIS

Mobilis, in Alabama

Sex dierum, a die 31^a mensis Julii usque ad diem 5^{am} mensis Augusti anno Domini 2014

EX ANIMO INVITAMUS

HEBDOMADA TRANQUILLA ET JUCUNDA

ubi lingua Latina erit nobis sermo communis. Lingua Latina est enim etiam hodie lingua Ecclesiae viva; clavis est quae thesaurum spiritualem integri aevi Christiani aperit. In hac hebdomada linguae Latinae loquendae intelligendae opportunitatem habebimus singularem, dum amorem Dei Fidemque Catholicam alimus.

MANEBIS

apud pulchrum Monasterium Visitationis, 2300 Spring Hill Avenue, Mobile, Alabama. Aedificia hujus veteris monasterii (anno 1833 conditi) redolent tam monasteria Europaea quam Meridionem priscam Americanam. *Aedificium Americanum Historicum* designatur, atque propter elegantiam architecturae pluries muneratum est. Locus amoenis latisque hortis concluditur, ad contemplationem aptissimus. Bonus tibi praebebitur victus - jentaculum, prandium, cena. Cubicula grata et nitida sunt. Temperatus aer per aedes diffunditur. Pretium mansionis optimum est; pretium comprehendit et domicilium et victum.

NOLI TIMERE

Lingua Latina viva tibi difficilis non erit, nam nova procedimus via. (Si prima vice ad Cenaculum venis, forsitan parvum lexicon tibi adjutorio erit.) Veni sine metu errorum: nullus inter nos censorius. In hac sodalitate experieris linguam Latinam re vera vivam et nostro tempore prorsus idoneam esse. Locutiones utiles ad sermonem quotidianum Latine serendum *usu* disces. Colloquendo, auscultando, ridendo, liberabitur omnium loquela fietque consueta.

VENIAS

pro bono Sanctae Matris Ecclesiae, pro bono culturae Catholicae, pro bono proprio.

PROGRAMMA PRAEVIUM

- A. **Celebrationes Liturgicae:** Sacrosanctum Missae Sacrificium; Liturgia Horarum; Adoratio Sanctissimi et Benedictio Eucharistica.
- B. **Salsae allocutiones circa Rem Catholicam,** quae Fidem, orationem, Sacras Scripturas, historiam, Sanctos et Sanctas, Summos Pontifices, et alias res magni studii agant.
- C. **Lusiones jucundae et jocosae** de lingua Latina viva praesertim pro tironibus, sed etiam pro omnibus qui facetiis delectantur.
- D. **Colloquia de meliore modo** linguae Latinae discendae docendae loquendae.
- E. **Imagines ope lucis aspiciendae,** ubi potissimum rebus ostensis facilius vivum sermonem Latinum intelleges.

SUB AUSPICIIS FAMILIAE SANCTI HIERONYMI quae a Patre Suitberto Siedl a S. Joanne a Cruce, O.C.D., anno 1989 condita est.

CONTRIBUTIO SOLVENDA (pro tota illa hebdomada complexive):

Pro sumptibus victus
et domicilii:

U.S. \$300.00 (cubiculo privato). Si vis, cubiculum cum altera persona partire potes, sed pretium pro singulis manet \$300.00).

Impensae tam modestae ut adventus tui incitamentum sint!

Pecunia pro sumptibus victus et domicilii solvatur simul ac advenies.

SI INTERRESSE VIS, mitte, quaesumus, nomen tuum et schedam inscriptionis ad secretarium Familiae Sancti Hieronymi:

MR. J. G. HALISKY

FAX: (727) 461-4240

Attorney-at-Law

507 S. Prospect Avenue

INSCRIPTIO INTERRETIALIS (i.e., e-mail)

Clearwater, Florida 33756 U.S.A.

familiasanctihieronymi@gmail.com

QUO CITIUS mittetur EO MELIUS, et si fieri potest ante diem 30am, mensis Junii, 2014. Ut certior fias de itinere atque de accessu ad aedes, videas, quaesumus, alterum folium huic adnexum.

Cenaculum Familiae Sancti Hieronymi 2014

Monasterium Visitationis

2300 Spring Hill Avenue

Mobile, Alabama

A die 31^a m. Julii ad diem 5^{am} m. Augusti, 2014

A. DE ACCESSU AD AEDES NOTITIA BREVIS

1. Per aerem.

a. Prima destinatio tua est Aeriportus Regionalis Mobiliensis (Mobile Regional Airport).

b. Ex aeriportu melius per laophorum (*Airport Shuttle*) sequens vias Airport Boulevard, deinde I-65, tandem Spring Hill Avenue duo milia passum pervenies ad Monasterium Visitationis, cujus inscriptio viaria est 2300 Spring Hill Avenue, Mobile, Alabama. Mappam loci adneximus. Pretium laophori est U.S. \$20.00 pro singulis; aut taxiraedam similis pretii assumere poteris, quam impensam cum aliis partiaris.

Apud aeroportum poteris etiam, si vis, autoraedam locare propriam.

c. Si difficultates experiaris cujusquam generis apud aeroportum Mobiliensem post adventum tuum, vel aliter in transitu, fac nos certiores telephonice (727-614-1728 - nos) (251-473-2321 - monasterium), atque te adjuvabimus.

2. Via Strata.

Si veneris per viam autocineticam, sequere I-65 ad Exitum 5A (Viam Publicam Spring Hill Avenue). Exi ad orientem et procede per Spring Hill Avenue tantummodo duo milia passuum. Postquam transis viam Leveret Street, Monasterium ad laevam (i.e. ad septentrionem) jacet.

B. DE HORA ADVENTUS TUI.


Incipit Cenaculum hora 5:30 p.m. cum cena, feria quinta, die 31 mensis Julii, 2014. Ergo oportet antea pervenire, post meridiem eodem die ad locum registrationis, ut cubiculum materiasque quasdam accipias. Impensae pro sumptibus victus et domicilii solvi possunt cum apud Cenaculum pervenias.

C. DE EXITU

Finit cenaculum hora 1:30 p.m. post prandium, feria tertia, die 5 mensis Augusti. Si velis ad aeroportum revehi, facias nos certiores, et adjutorio nostro laophorum vel taxiraedam poteris sumere.

Visitation Monastery
2300 Spring Hill Avenue
Mobile, Alabama 36607-3202

Via autocinetica a septentrione



Ex aeroportu in
laophoro



Via autocinetica a meridione

SCHEDA INSCRIPTIONIS AD CENACULUM FAMILIAE SANCTI HIERONYMI 2014
APUD MONASTERIUM VISITATIONIS
2300 Spring Hill Avenue, Mobile, Alabama
Die 31^a m. Julii usque ad diem 5^{am} m. Augusti, A.D. 2014

NOMEN BAPTISMATIS: _____

COGNOMEN: _____

DOMICILIUM (Inscriptio cursualis):

Numerus domus et via: _____

Urbs/oppidum/vicus: _____

C.P. (Zip Code, CAP, PLZ) _____ Respublica: _____

NUMERUS TELEPHONICUS: _____

NUMERUS TELESCRIPTIVUS (i.e., FAX, si habeas): _____

INSCRIPTIO INTERRETIALIS (i.e., e-mail, si habeas): _____

ANNOS NATUS / NATA: _____

MUNUS SIVE OFFICIUM: _____

LINGUAM LATINAM DIDICI (Quot annos? qua schola?): _____

Si attinet:

Nomen societatis aeronavalis qua perveneris: _____

Dies et hora adventus: _____

Numerus volatus: _____

Si nondum tesseram volatus emisti, facias nos postea, quaesumus, certiores his de notitiis aeronavalibus. Gratias.

Remittatur haec scheda quam primum ad J. G. Halisky, Attorney-at-Law, 507 South Prospect Avenue, Clearwater, Florida 33756, U.S.A. (Vel per FAX: 727-461-4240; vel per epistulam electronicam: familiasanctihieronimi@gmail.com. Gratias.







